

daß der Viehgwerb/der beste Gewerb im Schwyzerland seye/dannens
hero auch dem Erz/oder Bergwerck/nichts nachgefragt werde/mit fern
neren dieser Worten. Ich hab keinen Zweyffel/daß Allpgebürg/seye
nicht minder Reich/an Gold/Silber vnnnd allerley Erz/als Etschland/
Kerndten 2c. aber/dieweil es etwas reücher/wirdt es nicht gebawen/dañ
menigklich behilffte sich/der grünen Weyd/vnnnd des Nuzes/der auß
der Milch vnnnd von dem Vieherobert wirdt/welches ein kostlich vnnnd
Göttlich Bergwerck ist/vnnnd erregt dem Land/Gold/Silber vnnnd
grosses Gut/davon thut auch Meldung. 10f. 1im. Comment. de Alp.
& Com. Kan. Scor. cap. 1. de Helu.

Neben den zahmen/hat diß Gelend auch seine wilde Thier/in zim
licher Anzahl vnd erslichen/das Wildprät/als Hirschen/Wildschweyn/
Reechböck/Reech/Gembs/Murmeltier/Dachsen/Haasen/dar
vnder vil ganz weiß/wie die Berghaasen gewöhnlich seyndt/Er
thyrn/2c.

Wie vil Gembs/das Gebürg dieser Lands art hab/ist bey diesem abzu
nehmen/daß zween Wildschützen in diser 4. Orthen einem gewesen
(wie mir von guten Orth referiert worden.) deren der eine 350. der
ander aber 1150. Gembs geschossen/deren der letzte/dem G'wild nach
steigende/verfallen ist.

Stienböck vnnnd Zbischen/werden diser Enden/nicht gesehen.

Es hat demnach der vnreinen Thieren/auch ein grosse menge/als
Luchsen/wilde Katzen/Füchs deren auch etliche weiße gesehen wor
den/sonsten werden die rothen/fewrfarben Füchs/von den Polen son
derlich begehrt/vnd ihnen zu dienst/diser Enden auff kaufft. Item findet
man auch Marter/Stiib/Wiscl/Hermlin/Igel.

Es ist auch wahr genommen worden/daß die Haasen die Igel (deren
es ein grosse Anzahl hierumben hat) fressend/welches einem vngleub
lich vnd lächerlich fürkommen solt/noch hat mans also in Warheit er
fahren/der Haas braucht sich aber diß vorthails/wann der Igel ganz
zusammen gestrupfte vnnnd an einer Kugel ist/haltet er sich ganz still/
dann beisset der Haas/sein susam/an einem Orth an des Igels Balg/
die Spizlin hinweg/biß er auff die Haut vnd das Fleisch kommen vnd
danne nach seinem willen/auf ihm fressen mag/welches der Igel ge
duldet biß er endlich auffgefressen wirdt.